

Save long raet blong iu En responsibiltis: sex en consent



Iumi everiwan garem sexual raets en responsibiltis en laekem seif, respekful, en helti relationsips. Iumi everiwan garem raet fo mekem disison lo taem, ples, lo wat situason, en wetem hu iumi laekem sexual wetem. Sapos iu ting iu redi fo stat havim sexual relationship wetem samwan, hem impoten fo save lo laws long Australia abaotem sex en consent.

SAMARI

- Eni sexual aktiviti wea no garem consent hemi aegenstim law.
- Hem impoten fo evriwan involve givim positif konsent bifo engaij lo eni sexual aktiviti.
- Sexual assault hem wanfala bik kraem. Sapos iu bin sexually assaulted, iu garem raet fo getem help. Iu save kolem polis Lo 000 o tok lo wanfala councillor, callem 1800 RESPECT on 1800 737732.

Wanem nao sexual act?

Anda lo law, 'sex' minim evri kaen sex acts en sexual hole, olsem kiskis, nanali en orol sex. Bifo iu stat fo engeij lo sexual act, evriwaninvolve mas givim positif consent, diswan minim olketa mas actively talemaot consent. Hem no enaf fo sei dat consent hem givim bikos samwan no les or les.

Wat nao consent?



Fo givim konsent hem minim fo agri. Sexual consent hem taem pipol wea garemfull mentol abilitien kasem **legol aij blo consent**, aktif en fri fo agri fo engaij lo sexual aktiviti.

Fo askem consent hem save olsem simpol ask olsem, "Iu laekem sex?" Nara man save ansa "yes" o "no". Iut en patna blong iu mas agri fo havim sex—evri taem— fo hem bae konsensual, even sapos iu gogohet wetem relationship wetem datfala man.

Iu en patna bae no save givim consent sapos ability blong iu fo givim konsent hem smol o affected. Sapos samwan hem faint o no save tok bak, o garem problem lo ting lo drink beer or tekem drugs, olketa bae no save givim konsent. Sapos patna blong iu fosim iu fo sex, datwan hem saen blo no helti, no saif relationsip. Fosim samwan fo havim sex hem illegal en save resalt lo go insaet prison. Rife lo fact sheet Save lo raets blong iu an risponsibiltis: domestik an famili vaelens fo lanem moa abaotim helti rilesonsips, seksol vaelens an law.

Man wetem 'cognitive disability' hem minim olketa garem samfala medikol kondison olsem brain injuri o dementia (siki lo ting ting) o disabol wea afektim tingting, save lo tings o memori. Long staka stet insaet Australia, pipol wetem cognitive disability garem sem raets fo consensol sex olsem evriwan. Bat hem save had fo man wetem cognitive disability fo givim consent, fo exampol, sapos olketa faedem had fo toktok o no minim gud raet blong olketa fo sei no long sex. Iu no save havim sex wetem peson garem cognitive disability sapos olketa no save abol fo givim consent.



Sos: reachout.com.au

Sexual aktiviti taem no eni consent hemi aegenstim law!



Insaet lo Australia. hemi aegenstim law fo engeij lo sexual aktivitis weten nara man, even kiskis o hole , sapos olketa no givim o no abol Fo givim consent. Diswan olketa kolem lo sexual assault en hem wanfala kraem.



Searem neket o sexual picas blo nara man wea no givim consent o pemison hem tu aegenstim law en save ripotem lo polis. Lu save faendem aot moa lo [eSafety Commissioner website](https://www.esafety.com.au).




Iu mas meksua patna blong iu hemi ovam **legol aij b consent**. Lo Australian law, pikinini hem no garem ability fo mekm disison fo givim consent. Hem minim eni sexual aktiviti wetem samwan anda lo aij fo consent hem kraem.

Wat nao legal aij for consent?

Taem bik man hem engeij long sexual aktiviti wetem man below **legol aij fo consensual sex**, diiswan hem child sexual abuse wea hem kraem. Legol aij fo consent hem 16 yias old lo staka Australian states en territories, en 17 yias old na Tasmania en South Australia

Iu mas meksua patna blong iu hem ovam **legal aij blo consent**. Iu bae no save talem hao old nao samwan lo luk blong okleta. Olowe hem seif fo ask en sapos iu no sua, askem pruf blong aij.

Aij blo consent lo jurisdiction



Wat hapen sapos samwan brekem olketa laws?

Sapos samwan olketa faedem gilty fo brekem laws abaotem sex en consent, olketa save konvikted lokriminol ofens. Kriminol ofens hemi save resalt lo penoltis olsem faen o taem lo prison en hem save afektim stap blong iu insaet lo Australia. Samwan wea hem bin konviktd lo sexual ofens agenstim pikinini bae save putum lo Child Protection Offender Register.

Sexual assault hem wanfala kriminol act wea save repotem lo polis en olketa bae panisim anda lo kriminol codes, eniwea hem happen – lo sosol taem, lo haus, o lo waka.



000 Wea fo getem help o tok wetem samwan

Sapos iubin sexually assaulted en iu likem mekem komplek, iu sud repotim lo polis kwik taem. Sapos iu no fil seif o hem wanfala emejensi kolem 000. Iu also save getem sapot from Sexual assault sapot sevis, olsem 1800RESPECT on 1800 737 732.

Samwan lo PALM scheme save helpem mi?

Adjust lo laef lo nara kaontri hemi save had bat sapot en resos hemi stap fo helpem iu. Sapos iu garem kwetens abaotem adjust lo laef long Australia, iu save askem waka blong iu. Sapos olketa no save ansam, olketa save talem iu hu fo tok wetem, olsem nara PALM scheme sapot olsem:



**Country liaison officer (CLO)
o leba attaché**

Iu save faendem evri CLO distaem Kontakt detail lo PALM websaet (<https://www.palmscheme.gov.au/contact>).



**PALM sapot sevis laen lo
(1800 51 51 31), o email
(support@pacificlbourfacility.com.au)**

Plis tek not dat sapot sevis laen en email inbox hem monitored 8:30am - 6:30pm AEST - calls afta Aoas sud be fo kritikal aksidens nomoa.



Hao na mi save tekem samfala moa infomaison o konfidensol professionol help?

Sapos iu o samwan iu save laek fo faend aot moa infomaison abaotem sex, consent, sexual assault en the sevises wea save sapotem helt en wellbeing taem insaed lo Australia, iu save kontaktim oleta main referral sapot sevises lo tabol lo daon. Olketa oganaesason save helpem iu o pointim iu lo raet daerekson fo faedem sevis dat hem relevant lo nid blong iu.

KI REFERRAL EN SAPOT SEVISES LONG AUSTRALIA

SEVIS	WAT NAO HEM DUIM?	KONTAKT INFOMAISSON
Emejensi sevises	Trifala zero (000) hem Australia's main emejensi sevis namba. Iu sud kolem 000 sapos iu nidim kwik help from polis, faea, o ambulans sevis.	 Fone: 000 Nasonwaed, 24/7
Lokol polis o ambulans sevis	Sapos situason hemi no nid for kwik, iu sud luk ap namba blong iulokol polis, faea o ambulans sevis .	 Fo faendem lokol polis stasion, Searchim "Find my local police station in [your area]".
Helt Direct	Sapos iu laekem moa infomasonlo sex, consent, sexual assault (olsem hao fo faendem enaccessim helt, counselling en legol sevises), visitim Health Direct. Iu save iusim sevis finder blong olketa fo luk fo help kolsap lo iu.	 Kolem: 1800 022 222 Nasonwaed, 24/7  Web: https://www.healthdirect.gov.au/sexual-assault-and-rape
1800RESPECT	Sapos iu nid fo tok wetem professional Kaonsela abaotem sex, sexsol assault o domestik vaelens, disfala Oganaesason provaedim fri konfidensol hotlaen sevis. Iu save go long web peij blong olketa fo faedem sevis fo helpem iu an infomason abaotem helti relasonships.	 Fone: 1800 737 732 Nasonwaed, 24/7  Web: https://www.1800respect.org.au/

KI REFERRAL EN SAPOT SEVISES LONG AUSTRALIA

SEVIS	WAT NAO HEM DUIM?	KONTAKT INFOMAISSON
Reach Aot	Sapos iu likem samfala moa infomaison long seif sex, consent (agri) an tings fo save abaotem searem intimet (fren/nogut) piksa, disfala organaesason garem infomason, wanfala peer-sapot program an referral tools fo helpem yang pipol	 Onlaen infomaison en peer sapot Naisonwaed, 24/7 Web: https://au.reachout.com/relationships
Aij fo consent laws lo Australia	Sapos iu likem save samfala moa abaotem nao aij of consent laws lo Australia, disfala pablikason hem provaedem infomason en links go lo samfala state en territory laws.	 Pablikason: Visitim websaet, https://aifs.gov.au/resources/resource-sheets/age-consent-laws-australia#
eSafety Commissioner	eSafety helpem Australians fo preventem en deal wetem harm wea serious onlaen abuse o illegol en restriktim onlaen kontent. Go lo websaet blong olketa fo faedem aot hao fo repotim picsa-taep abuse, aotem kontent, repotem lo polis etc.	 Visitim websaet , https://www.esafety.gov.au/young-people/consent-sharing-photos-videos  Fact sheet: Hao fo repotem nogut samting: https://www.esafety.gov.au/report

Taem evri kea hemi tekem lo wakem disfala material, no eni responsibiliti bae PALM scheme akseptim, wakaman blo hem, voluntias o patnas, fo eni rong, mising, no stret abaotem disfala infomason insaet disfala factsheet o eni loss o dameij wea bae kamap from eni man wea relae lo eni infomason insaet lo disfala factsheet. Disfala infomason wea provaedem lo disfala factsheet olketa bin wakem fo provaedem general infomaison nomoa. Hem no min fo relae lo hem o chenjim fo legol o nara professionol advaes. No eni responsibiliti bae olketa PALM scheme o patna blo olketa fo eniting wea save o no save wea bae happen fo relae lo eni infomaison wea disfala factsheet provaedem.

